

## **Parlamento Nasionál aprova OJE ba 2016 iha jeneralidade**

Parlamentu Nasionál (PN) aprova ona ohin, loron 3, fulan-dezembriu, tinan 2015, Orsamentu Jerál Estadu (OJE) ba tinan 2016 iha jeneralidade, ho vote favor 65, kontra zeru no abstensaun zeru.

Tuir mai diskusaun no votasaun iha espesialidade ne'ebé, tuir Rejimentu Parlamentu Nasionál nian, labele liu loron 10, no sei hahú aban sesta-feira, loron 5 fulan-dezembriu.

To'o iha loron 13 fulan-dezembriu, Komisaun Eventuál Rekolla no Análize Proposta Konsensuál nian ba Proposta Lei ( Karik sei halo mós diskusaun iha loron 4, hafoin votasaun jeneralidade nian), sei apresia proposta sira alterasaun nian atu apresenta ba plenáriu, nune'e mós testu úniku substitutivu nian ( ho proposta sira ne'ebé mak aprova ona), ne'ebé sei vota hafoin halo tiha diskusaun husi membru Parlamentu sira. Testu ne'ebé aprova tiha ona sei tau hamutuk ba-iha proposta lei nian.

Hafoin konkluzauun diskusaun nian no votasaun hosi artigu hotu-hotu proposta lei nian, sei hala'o fali votasaun finál globál testu nian ho alterasaun sira ne'ebé aprova ona. Dokumentu finál, Lei Orsamentu Jerál Estadu nian ba tinan 2016, sei haruka ba Prezidente Repúblika, atu halo promulgasaun.

url: <http://timor-leste.gov.tl?lang=tp&p=14160>